

Strane u okvirnom sporazumu:

**Ministarstvo unutrašnjih poslova Kantona Sarajevo**, sa sjedištem u ulici La Benevolencija broj 16, koje zastupa ministar Admir Katica, (u daljem tekstu: Ugovorni organ) i

**VATROTEH INŽINJERING d.o.o. Sarajevo**, sa sjedištem u ulici Igmanska bb, Vogošća, ID broj: 4201733350008 koje zastupa direktor Nevzet Avdagić (u daljem tekstu: Prodavac)

zaključile su:

**OKVIRNI SPORAZUM**  
**za nabavku aparata za gašenje požara, elementa sistema vatrodojave,**  
**akumulatora za centralu vatrodojave, LOT 2**

Strane u okvirnom sporazumu saglasno konstatuju:

- da je Ugovorni organ u skladu sa Zakonom o javnim nabavkama ("Službeni glasnik BiH", broj (39/14, 59/22 i 50/24) proveo otvoreni postupak nabavke dijelova i materijala za sisteme automatske dojave požara i detekcije gasa i nabavke aparata za gašenje početnog požara i hidrantske opreme za potrebe Ministarstva unutrašnjih poslova Kantona Sarajevo, s podjelom na LOT-ove,
- Postupak nabavke je proveden na osnovu Odluke o pokretanju postupka nabavke broj: 04-1-11-4-5088/25 od 29.07.2025. godine i Obavještenja o nabavci broj: 1364-1-1-69-3-62/25 od 31.07.2025. godine;
- Okvirni sporazum se zaključuje za LOT 2 - Nabavka aparata za gašenje požara, elementa sistema vatrodojave, akumulatora za centralu vatrodojave;
- Okvirni sporazum ne predstavlja obavezu Ugovornog organa na zaključivanje ugovora o javnoj nabavci;
- Obaveza nastaje zaključivanjem pojedinačnih ugovora o javnoj nabavci, na osnovu ovog Okvirnog sporazuma, u zavisnosti od potreba Ugovornog organa, a pod uslovima utvrđenim u ponudi Prodavaca.

**Član 1.**

Predmet okvirnog sporazuma je utvrđivanje uslova za zaključivanje pojedinačnog ugovora o javnoj nabavci aparata za gašenje početnog požara i hidrantske opreme za potrebe Ministarstva unutrašnjih poslova Kantona Sarajevo – LOT 2, u skladu sa uslovima iz tenderske dokumentacije, odredbama ovog Okvirnog sporazuma i stvarnim potrebama Ugovornog organa kao i ponudom Prodavca broj: 150/25 od 26.08.2025. godine koja čini sastavni dio ovog Okvirnog sporazuma.

Količine navedene u specifikaciji su okvirne i važe za vrijeme važenja okvirnog sporazuma. Prilikom isporuke aparata za gašenje početnog požara Prodavac je dužan dostaviti izvještaje o ispravnosti istih u skladu sa zakonskim i podzakonskim aktima iz oblasti zaštite od požara.

Ukupna vrijednost ovog Okvirnog sporazuma iznosi 9.980,00 KM bez PDV-a (devethiljadadevetstinaosamdeset i 00/100 KM).

Cijene su fiksne i ne mogu se mijenjati za vrijeme važenja ovog Okvirnog sporazuma.

**Član 2.**

Nakon zaključenja okvirnog sporazuma, Ugovorni organ će zaključiti pojedinačne ugovore o javnim nabavkama. Pri zaključivanju pojedinačnih ugovora, ne mogu se mijenjati bitni uslovi iz ovog Okvirnog sporazuma.

**Član 3.**

Ugovorni organ će ugovorenu cijenu plaćati u roku od 30 dana od dana isporuke i dostavljanju fakture.

Član 4.

Prodavac se obavezuje da ugovorenu isporuku roba izvrši u roku do 10 dana od pismenog zahtjeva Ugovornog organa.

Član 5.

Garantni rok za isporučenu robu je 24 mjeseca od dana isporuke.

Član 6.

Ukoliko poslije zaključenja ovog Okvirnog sporazuma nastupe okolnosti više sile koje dovedu do ometanja ili onemogućavanja izvršenja obaveza definisanih okvirnim sporazumom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i uticaja strana u okvirnom sporazumu i koji nisu mogli biti spriječeni od strane pogođene višom silom. Višom silom mogu se smatrati poplave, zemljotresi, požari, politička zbivanja, imperativne odluke vlasti i slično.

Strana u okvirnom sporazumu koja je pogođena višom silom, odmah će u pisanoj formi obavijestiti drugu stranu o nastanku nepredviđenih okolnosti uz prilaganje odgovarajućih dokaza.

Član 7.

Ovaj Okvirni sporazum se zaključuje na period od 36 mjeseci, a stupa na snagu danom obostranog potpisivanja.

Član 8.

Sva, eventualno sporna pitanja rješavat će se dogovorom, štiteći obostrane interese.

U slučaju nemogućnosti zajedničkog rješenja, eventualno nastalog spora, spor će rješavati nadležni sud u Sarajevu.

Član 9.

Ovaj Okvirni sporazum izraden je u četiri (4) istovjetna primjerka, od kojih po dva (2) zadržava svaka strana.

**PRODAVAC**  
**VATROTEH INŽENJERING d.o.o.**  
Sarajevo

direktor, Nevzet Avdagić

Datum: 23.10.2025

Broj: 02-10/25

**UGOVORNI ORGAN**  
**MUP KANTONA SARAJEVO**  
ministar, Adnan Katica

Datum: 15.10.2025. godine  
Broj: 04-1-11-4-5088-5/25